

竹

巖

集

竹巖集卷十五

明詹事府少詹事兼翰林院學士莆田柯 潛著

南京戶部主事四世從孫維駙校編

邑庠生員鄉飲賓六世從孫 亨

清

江南當塗縣知縣九世從孫 潮 重校梓

碑銘

都察院右副都御史陳公墓道碑銘

嘉議大夫都察院右副都御史邵武陳公以疾卒于家計聞 上惻然遣官諭祭並營葬事其子復以

君恩父德皆宜有傳乃專价致書來屬予爲文將伐

石刻于墓道以彰示來世予少慕公名及登朝接公
偉論加敬重焉請老歸予送至都門外握手歡言以
忠義相期許抵家又寄詩申前意則予雖晚進辱公
之知深矣茲文何敢辭按永豐知縣黃永從所著事
狀公諱泰字吉亨姓陳氏幼鞠于外祖曹從其姓至
爲都御史始請復焉曾祖祿一祖子祥俱不仕父汝
桂封中憲大夫都察院右僉都御史母吳氏封恭人
公儀度修整言簡而有章淹貫經史喜爲詩永樂癸
卯發解鄉闈宣德丁未會試乙榜除直隸安慶府學
訓導以育才爲樂正統丁巳廷臣交章薦其賢擢江

西道監察御史累奉 命巡按貴州山西山東諸藩
克振風紀奕奕有重名在貴州都指揮宮聚素桀驁
聞公至不敢肆其奸大軍征麓川歲取土兵二千爲
向導將士或失利輒殺土兵以爲功公奏罷之夷人
仰戴如父母越數月 召還調陝西道諸道有疑獄
皆以決於公無或稱寃者在山西會南北圻旱澇相
仍 詔下求言衆皆以爲天災公獨援洪範庶徵咸
由人事由是罷大臣不職者凡數人公又奏山西藩
憲及州縣官之貪殘者悉置之法在山東以藩憲多
匪人陳疏懇懇數千言大要以選賢去奸爲治本

上嘉納之擢四川按察司按察使不踰年蜀大治鎮
守都御史寇深忌公才名陰諷所私叅議陳敏誣奏
公杖殺人遂下刑部獄其人實自溺水死久而始白
復官已巳虜寇內侵 命公協同將臣守備紫荆關
及巡視沿邊諸寨景泰改元陞大理寺右少卿守備
白羊口轉都察院右僉都御史鎮守易州節制紫荆
倒馬等關及沿河關口三十六處公早夜寃心畫計
忘其勞虜知有備遂遁去又考察大名廣平順德河
間諸府衛官吏去留咸當人心既而三上章辭位不
得 命益勤勵以圖報稱甲戌陞左僉都御史疏理

徐州呂梁二洪及臨清濟寧諸處河道丙子巡撫蘇
松常鎮及嘉湖諸大郡蒞下嚴而不苛爲政清明吏
不能高下其手以侮公法天順改元以讒言左遷廣
東按察司副使連丁父母憂壬午服闋復左僉都御
史加賞賚巡撫四川蜀中老稚皆熟公名聞公至奔
走相告曰曹憲使復來吾屬其將安以嬉乎州郡吏
望風解組者數十人甲申陞右副都御史巡撫淮陽
等處兼督漕運軍民皆安之成化改元上章乞歸詞
甚切 上念其効勞有年賜免薦紳大夫咸餞于都
亭車蓋塞途都人聚觀以爲榮家居五年卒實己丑

其家之匱乏也學士安成彭公嘗與予論人物予謂
清操如公閩中少有彭公笑曰何止閩中予又嘗於
廣坐中聽人論時貴賢否至公無少疵議蓋公之志
行素孚於人故爲公論所許無間言士君子方望其
大用以究厥施而公未及致仕之年決於引去此其
始終全德古人所謂知止不殆者尤爲世所高焉方
邁疾語其子曰死生有命無足悲者慎勿舉僧道追
薦之事庶以化垂俗也翼日正衣冠肅然而逝所著
詩文有拙菴集奏議藁武陽志藏於家塾銘曰
緊陳之先世有顯聞公也嗣興益振其芬鄉有先賢

曰李忠定公仰遺風持行醇正儒術終身司教泮庠
以道率人多就才良廷臣交薦乃陞柱史論事風生
聞者喪匕再陞憲使在蒞蜀川威行澤沛一方晏然
少卿都憲累躋峻秩 帝心孔嘉寔賴汝弼將 命
于外歲靡遑寧撫民禦虜所至有聲中邁讒言仆而
復起 天子聖明保公終始公彌效績仰報 休恩
惟恭惟敬夙夜弗諼名遂身退乃天之道徜徉林邱
以佚其老年六十七以壽考終 錫祭與葬蓋旌其
忠君子之榮匪德曷有刻辭于珉式昭永久

刑部右侍郎李公神道碑銘

嘉議大夫刑部右侍郎李公既以天順辛巳十二月初六日葬縉雲縣北西湖山先塋之次越五年爲成化乙酉公之妹婿且嘗從學者監察御史趙璉至自南京具公官世行治介其鄉友吏部郎中鍾景清詣予求銘以作公碑蓋予傾慕公久矣而得托名墓上之石以傳是所願也故爲序其實而系以銘公諱棠字宗楷姓李氏號蒙齋其先自永嘉之獨山徙仙居至公會大父諱德大仕元爲縉雲美化書院山長樂其湖山之勝考宅以居遂爲縉雲人大父諱璠父諱襲俱以公故贈通議大夫刑部右侍郎太母黃氏母

應氏俱贈淑人繼母楊氏封太淑人公篤學通諸經
尤深於易宣德丙午舉鄉試爲易經魁庚戌中進士
第 詔歸進學於家執經門下者甚衆遭父喪一以
文公家禮從事處苦塊中悲惋之意久而猶新正統
丙辰爲南京刑部河南司主事治獄寬而不縱有善
譽於時己未廷臣建存省京儲之議詔六卿臧部屬
官其法當視才優劣而進退之尙書施公懼賈憎於
人以入官先後爲去留公遂需次南還事太淑人甚
謹置別業多植佳花木而菊爲多扁曰菊庄時嘯咏
其中悠然有陶靖節之趣壬戌以刑部尙書魏公薦

復起爲其屬魏去淮陽金公代之性嚴憚公與論事
侃侃不少阿金始不悅旣而知其賢遂愛重之薦爲
員外郎凡獄有疑必進公相可否以公言而決者十
常七八乙丑 朝廷隆欽恤之典令法司妙簡公廉
詳慎者出錄囚于外金以南圻地廣而獄多遂以屬
公公行道逢故人有贈遺悉却之有沈姓者以一銅
蟾蜍爲清物強置於舟俟其去徐棄諸水所至廉察
幽枉賴以全活者衆畢事方還京復去南京辨重獄
絕不以勞勩辭丁卯陞江西司郎中有千戶劉姓者
爲部下兵誣告謀逆一家俱逮繫疏戚之屬連坐者

幾百人公悉爲直之劉不敢私謁謝率家人望門羅拜而去有兄毀其弟家產直二百金者公論其罪比常人減三等衆以爲失出譁然笑大理亦評不允公援兄殺弟律喻之乃驚服已巳陞侍郎奉命巡撫廣西持法明慎小大百司皆畏威不敢肆侮其民民歌呼相慶如執熱就涼出阨巖而履亨途也朔望詣學官謁先聖退揖諸生親爲講說仁義忠信其言親切有味聽者無厭覈景泰辛未峒獠出爲寇居民竄匿道絕行者公督兵捕之民用以寧止朝廷嘉其能有白金綵幣之賜仍命提督征蠻軍事公益務

勤以圖報稱至或忘寢食尋奉勅簡黜按屬吏之無狀者人服其公都指揮王竑侄殺士官知府綱並綱二子蓋挾其衆之悍鷙以爲無敢誰何公執置于法竑密遣人賂用事者以計脫公忿鬱不能平又冒瘴毒成疾甲戌陳疏乞歸少假息于林下既歸更號嶺南病叟日奉太淑人遊菊庄上懇懇有愛日之誠間從樵隱鈍齋二從兄泊二三知己者出遊山水間或卽田夫野老相爾汝囂然樂中之所懷者悉發於詩詩成輒自歌聲出金石如是者六年以天順庚辰十二月十四日卒壽六十一配鄭氏累封至淑人子

男二長醇次儻國子生女二長適進士樊貴次適朱
河孫男七女五公爲人嚴重卽之與言則溫然和爲
文章簡而有法有蒙齋集藏于家其持行不苟衣粗
食淡終其身鄉人多化服之不獨其子孫也初予聞
公有行誼而已既而壽光令楊元齋示予以公爲其
父所撰墓誌又知其文之精乃仰嘆曰有德者必有
言信矣哉方其歸也予猶冀公復起爲治朝之光而
世之有力者無能知公或知之又忌其高行難合不
復以爲言而公竟弗究其施以卒悲夫銘曰

吁嗟李公質厚而醇服今之服其行古人有昭其聲

颺于郎署進貳列卿豈謂不遇乃將 帝命出鎮南
服民歌以嬉吏震而肅蠹茲徭獠寇我邊疆公殲其
魁醜孽駭亾 帝曰嗟哉嘉汝丕績賚予之臚以勸
羣辟公益思奮漑肝披誠脩邁疾堙鬱不寧乞骸
以歸白駒空谷翠壁丹崖清風穆穆今其亾矣吾誰
與從琢辭于石以賁其封

誌銘

封太常寺博士熊公墓誌銘

封文林郎太常寺博士熊公德善蓋一鄉其卒也法
應得銘予監察御史元吉以銘屬予予謝不敢當元

吉曰子與我爲同年子不允銘孰宜銘言已涕絲絲
下甚戚予亦爲之惻然以悲嗚乎置巧命拙元吉豈
有利於其間哉公諱原字宗本成都資縣人父諱應
母某氏其先有單特者與王氏結契爲兄弟因從其
姓至公欲復之以未請於朝故猶公王而私熊也
初公居戎伍手一卷不廢以儒號介胄中家貧能積
漸以至克溢人急難有求必隨力以應未嘗避名士
過其家率厚款及得路絕不復通儼一室於迥絕以
居元吉而督之學集鄉舊賢子弟與同處聘宿學端
行者爲之師元吉遂登甲科爲名進士拜官太常以

直聲進臺諫公用太常最得 恩封與配蘇氏孺人
偕老享榮養天之錫予善人其信然哉生洪武甲戌
七月初七日以天順庚辰七月初十日卒于京得年
六十七卒之時諄諄作仁義語意態如常蓋公平生
疑性情絕嗜欲死生之分預定於胸中異乎人遠矣
元吉奉柩歸故里葬用辛巳十月十二日銘曰
不廢義於窮不易志於貴貞以持之儼夫所畏此予
所以悼公不可作而銘公爲無愧也

大理寺左評事井公墓誌銘

致仕大理寺左評事井公以天順六年十二月初四

日卒于京城官舍公卿大夫相吊於朝坊隣之倚公
以生者哭出涕道路往來人咸嗟嘆曰善人亾矣其
孤濙等卜以卒之月二十四日葬城西玉河鄉豹里
之原先事以錦衣衛都指揮使李君明遠所述事狀
介其友錦衣指揮僉事胡君廣川來請銘公諱田字
九疇順德府邢臺人曾祖澄仕元爲總管祖清甫嘗
以武功顯尋棄官歸里居號碧潭人因呼爲碧潭先
生工畫山水求者屢不絕戶外父濬贈徵仕郎禮科
給事中母陳繼劉俱贈孺人公爲人謙厚少爲邑庠
生領永樂某年鄉薦歷任戶兵禮三科給事中言事

達大體而畧細故時稱其賢宣德間 朝廷選其子
曰源者尙 仁廟嘉興大長公主爲駙馬都尉公遂
以特恩進大理寺左評事俾就優閒日惟坐靜室披
閱圖書間從騷人韻士爲觴咏之樂世所謂利者絕
口不談長年居京城意慮簡遠如岩壑中人囊中金
取以資艱窘盡乃已隨有所積復然遇人無賢不肖
皆懽然無間而胸中了不可混衣服無章華持清慎
以終其身卒之時訓諸子一從文公家禮治喪事又
從容言守官居家之法乃瞑目生於洪武丁卯四月
十九日得壽七十六配張氏封孺人子男六駙馬都

尉其長也正統己巳秋奉命征北虜奮兵長驅偶
失勢不屈而死追封鉅鹿侯謚榮愍次澤次澗錦衣
衛指揮僉事次潤從長兄死於陣次洪次泰孫男二
楚材楚英嗚呼公累膺光寵而有德以將之淡然
若寒素者又有賢子以忠節死國事其可無銘以詔
方來銘曰

有華其秩而端其趨德既厚矣而慶有餘其慶維何
篤生令子荷國之休聯名戚里出入帝廷夙夜
匪躬殉國而沒史載其忠維子之賢維父之教吁嗟
乎公君子是做豹里之封公之攸寧垂裕奕奕公德

有徵

處士楊公墓誌銘

君諱錫字允嘉姓楊氏建寧府建安人享年五十九以成化元年十月某日卒其子仕倣以鄉貢士赴禮部會試聞訃哭甚戚既而持事狀詣予求爲銘文將歸刻之埋于幽向予嘗謁君愛其儀度修整長髯飄拂出言簡而清無世俗烟火氣別既久猶慨慕之而仕倣與其弟仕儔又辱相好則君之銘惡可辭遂爲序而銘焉序曰楊氏遠有承緒及少師工部尚書兼謹身殿大學士贈特進光祿大夫左柱國太師文敏

公榮乃大振其家而累贈其曾祖福興祖達卿考伯成俱至榮祿大夫少傅工部尚書兼謹身殿大學士蔭叙其長子恭尙寶司丞又進少卿君爲公第三子少從翰林編修同鄉楊壽夫學能通諸經書大義及來侍公於京師又師事翰林修撰張洪其學益專而進廷臣有欲薦用之者非其所好謝弗就久之歸省其母劉夫人數年以公位望日重而年日老復趣京師事公動無違禮公甚愛之公歿既襄事乃去舊居之西別構一室極邃幽與兄讓奉劉夫人以居能順適其意有疾焉兄弟侍湯藥惟謹而飲食不能甘公

嘗以金銀器一篋付之曰此以壽而母及劉夫人歿
悉分諸弟無所私方公歿時幼弟貴通甫七歲撫之
甚厚遂長而有成歲時供祭必躬視牲滌器子弟或
請代曰事死如事生其可忽耶燕居未嘗去冠服時
時誦經史之要言以訓諸子其莊敬之容及幼賤非
獨貴而尊者賑貧卹孤雖疏遠者弗吝非獨嫗族之
親也其自奉甚儉約大布之衣至敝不忍棄朝夕飯
家人具累豆擇其一味之甘者餘令徹去至奉賓客
則不以豐盛爲嫌屋傍隙地十餘畝悉以藝果蔬麻
菜之屬或勸之蒔花卉以供娛玩曰娛玩豈吾人事

哉正統間沙尤盜起滋蔓至甌寧有良民五人避亂
山中爲官兵執以規賞公急赴軍門爲之辨賴以不
死里有豪使酒者疾君遇之嚴嘗毀辱君君不與校
其人卒愧悔爲善人君自謂生於世德之家苟一肆
逸則君子之尤我者當倍於庸人又懲創他之處富
貴者多以侈縱債敗故痛自抑損於人無所爭至於
見義勇爲雖力能生死人者不少爲之奪也娶詹氏
卒繼娶劉氏子男五長仕倣次仕倣登進士第知無
爲州次仕儀學方成而天次仕倣次仕倣俱秀敏而
知學女四長嫁劉浩次嫁黃挺餘尙幼孫男二冕且

女二墓在某山之原葬用卒之明年某月某日銘曰
慎於禮弗荒以隳克其才歛而弗施世所競好者凝
然自守義之所在焉躍以趨之嗚呼以是裕其子孫
也楊之門其興將無期乎

三山黃君暨配林氏合葬誌銘

三山黃君閩之隱君子其卒而葬也法應得銘某官
某既爲之銘矣其子國子生嘉慶過予言曰願改石
累執事並吾母林氏孺人銘之孺人先君卒葬未有
銘嘉慶追念母德齊於父宜並傳不朽故有請焉嗚
乎黃氏有家於三山鳳池里舊矣 國朝永樂間敷

仲公舉進士歷官至正奉大夫浙江左布政使嘗拜
恩命封其大父仲康父泰俱爲大中大夫資治尹湖
廣左叅政大母母俱淑人蓋黃之世至是益大以顯
君諱雍字伯敬別號永和山翁數仲公之子也母陳
氏君爲人寡言笑澹然無所好獨好窮經史及陰陽
星曆之學事父母極孝敬撫諸弟有恩族婣鄉黨皆
處以禮無一非間之者邑東有佳處曰前嶼築室其
間以耕稼爲樂歲入之餘悉以分諸艱窶者無吝意
天順己卯二月十三日卒距其生永樂癸未九月十
七日得年五十七葬用卒之年十二月初六日孺人

爲名家女言若不出口女教內則諸書悉讀而通其
意縫緝烹飪之事不待習而能年十六歸君以勤儉
佐理家政自舅姑以下咸宜之天順丁丑十月十一
日卒距其生永樂乙酉七月二十日得年五十三葬
用卒之年十月十八日子男四長嘉慶次文慶次陽
慶次士慶女四長適某次適某次適某皆卒次適林
橙士慶與適林之女皆側室薛氏出也孫男七繼崇
繼韶繼祥繼寅繼英繼昇繼忠墓在永和山之陽銘
曰

嗚乎山翁隱逃名玉雪標儀邱壑情有賢王壺淑以

貞素儉從翁德善并永和山陽毓粹靈同歸吉壤安
且寧利汝後嗣千億齡嗚乎山翁此其銘

曾祖善卿祖俊俱業儒而隱父觀剛方重義鄉人愛慕之雖歿不能忘以公貴贈文林郎江西南安府上猶知縣母蔡氏贈孺人公自爲兒時穎異不凡讀書日記數千言既長諸史百家靡不究窮永樂庚子領鄉薦明年登進士第拜 詔歸榮于家無何父母相繼歿公哀毀踰節治喪事一於禮宣德丁未服闋還朝觀吏部政尋除上猶知縣先是縣民以負租多逋亾公爲請于朝蠲之民乃復山峽中多寇盜時出剽掠公且捕且撫盜息而民安九載以治最聞 朝廷勅褒獎其父母妻因有贈封之榮正統辛酉陞山東

寧海州知州寧海舊置兩軍衛守禦海寇計伍卒多於居民武官率相習爲暴州官稍拂其意輒黨合排擊之公至密條其不法數十事以聞黨合者皆被罪州以安寧有二妖僧自他州至以術惑愚民公執之熟視其容曰此越獄盜也訊之果然民以爲神歲凶賑恤有方且爲陳奏蠲其賦九載蒲代去老稚相率追送至百里外乃歸天順丁丑陞江西撫州府知府甫三載境內大治民歌頌其賢庚辰述職于京年方六十乞致仕舟還道撫撫人迎拜道左不忍舍去薦紳士贈以詩以寓去後之思抵家輒新先祠修譜牒

以尊祖敬宗爲心時與耆彥者出入山水間追逐雲
月怡然忘其老也性至孝遇父母忌晨悲咽不自勝
祭祀必躬親視物品致豐潔在上猶寧海任滿兩陳
疏乞歸展墳墓少所問業師羅宗讓沒服心喪三年
請銘於楊文敏公以彰其賢遇其子孫始終不衰所
歷州郡處僚佐未嘗有睚眦平生不事矯飾於人無
或欺人亦以誠待公加愛敬焉致仕後五年遇 今
上登極恩進階亞中大夫鄉邦人咸榮之公生洪武
辛巳正月二十日以成化己丑五月初六日卒享年
六十九配鄭氏有淑行封孺人前公二年卒子男五

人長曰濟早卒次日瀚登進士第選爲翰林院庶吉士次日激其季曰淮曰渭側出也女一人適何鏗孫男若干人瀚以成化庚寅十月某日奉公柩葬于樟山之原銘曰

猗歟林公蓄德之敦才亦茂矣仕克有聞由令而守官以常調愈持謙冲罔或矜耀亨途坦坦餘三十年完璞而歸宴嬉林泉粵有儂夫志得而驚驟陟穹崇旋復傾仆視公忸怩公問益彰胡不期耄七十而亾有不亾者寔維公績爰列于辭以詔無極

桂處士墓誌銘

處士姓桂者諱廣字士弘其先有諱某者仕唐爲司空封銀青光祿大夫上柱國會祖諱德高仕元爲兩淮都運司提舉皆爲江西貴溪人今家于四川之成都者則自祖諱伯華始也伯華早遊學四方晚乃抵蜀獻王聞其賢命授文事於三護衛介胄之家尋終賜棺具葬之父諱士禮能世書業以儒名于鄉母劉氏處士爲人謙冲博雅綽有父風與人交初不甚歡久而有味禮賢士於家塾爲子弟師厚給貲費不吝也人急難求假必隨其力以應未嘗控避士有落魄不偶者必厚遇之得路絕不與通雖其親故多貴顯

亦弗輕以事委也性尤好讀子史悉貫穿古今事變無遺人或叩之了辨如響此其凡也至於事親篤於愛敬處兄弟無枝柱聲內外百爾姻屬不相抵隙此尤倫行之大可嘉尙者世豈多見其人哉處士生永樂乙酉十月初十日卒景泰甲戌九月初一日享年五十配余氏子男二人長茂之舉進士觀吏部政次莘之女一人慶蘭孫男一人善緣女二人善惠善貞茂之將歸襄大事以自著行狀求予銘墓隧予於處士弟山舉進士爲同年而居又與茂之相密邇視弟知兄視子知父則處士之賢有足徵矣於其沒也惡

可辭銘銘曰

人華其廬我以仁居人伉其門我以義趨維安維舒
遺于後已祿如矣抑何恨之有餘耶

直菴柯先生墓誌銘

柯氏世載休德聚族垂五百年而子孫益蕃以賢有
曰直菴者自少勵行至老死能不累素風葬之時其
族姓潛爲序而銘曰先生諱常稔字本耕直菴其號
也高祖榮老曾祖以潤祖肅敬興化府儒學訓導博
學有文尤長於詩賦有采薇集藏于家父原方母方
氏先生性孝愛永樂初代父補戎役於成都自總戎

以下見其方直無他腸咸愛之有機務必咨之介申
之士皆敬讓不敢齒嘗於通道得遺金亟訪其主還
之不受報處行伍能易艱爲亨所恨者父母之老無
他兄弟侍養每食輒不下咽旣歿哀痛之忱至老不
衰正統間以季子俊代役挈長子榮買舟還更葺做
廬修墳墓與凡先世舊物皆收復於遺廢之餘嗚乎
先生之承先裕後兩無憾也洪武辛酉六月十四日
生天順丁丑二月二十三日卒壽七十又七配林氏
先先生十四年卒子男三長榮次膺次俊女四長造
陳次造徐次造吳次造周皆莆仕族寓成都者孫男

四拱宸拱宗拱北拱寰女五曾孫男二楷相墓在金
牛山之原葬用成化丙戌十二月十七日銘曰

少入蜀父勞以服老歸莆世祀以續先生之行此其
大者銘以示於邦族

賀漸墓誌銘

翰林學士永新劉保齋先生命予銘其鄉人賀漸之
墓且曰漸有才夭死宜壽其名以銘吾子幸勿讓按
狀漸字期進遜菴居士之子母某氏少即出頭角稠
衆中喜讀書不事遊戲稍長已能離經味奧理雖祁
寒盛夏疊疊對聖賢語不休下筆爲文千萬言可立

就里先輩有學行者咸師之獨師良齋劉先生父子
爲最久學既精熟又出其羸以訓人執經問難者常
滿座上性嚴靜處家斬斬中度宗嫺故舊有爭鬪悉
與可否使平歲荒糶穀減常價之半人賴以不殍或
傾囊出金爲貧者輸負世皆以爲難遜菴嘗爲鄉人
誣訟于郡上書曰父罪以歸邑令祀先聖愆于禮度
期進以直言爲令所銜誣以他事繫獄連坐者懼期
進曰無爲爾理可勝也訴于憲司竟釋之正統丁卯
景泰庚午癸酉三試鄉闈不利及丙子始得捷天順
丁丑試春官下第歸愈勵志以圖再舉遭祖母及妻

師也子吾友也處師友之厚而銘其墓也於子實宜
潛時方膺命往南京主試秋闈不果作既畢事復
命又得歸省之請幸遽就道又不果作及抵家具牲
幣哭先生於靈次而二孤又速銘乃退而薰沐謹序
而銘之曰先生諱蘭字廷芳行十九姓林氏世爲福
清栖林人曾祖君正祖宗大號榕齋丁元季騷動與
弟肇避亂于莆田里鄭塘尋徙谷清里後許父震號
省菴又徙于安樂里橫渠世不仕皆以地理學鳴于
時母宋氏城東德吉女先生少負大節蘄然出頭角
于稠衆中年十九習舉子業二十四補邑庠生從翰

林侍講林公遊問學深於造詣爲文章務捭落尖新蔚然成一家言公亟稱其力學可畏又自喜其得起予之人凡在公門者亦交慶其得佳友也時家甚單窶而門戶又多虞先生力貧支之不至落莫永樂甲午貢太學丁酉秋以書經領京闈鄉薦明年春登李騏榜進士第選翰林庶吉士辛丑拜廣東廣州府新會令下車首謁文廟退視學舍皆就傾壓度工相材不旬歲而新選不曠之民以克弟子員日加訓勅司教事者坐收成功邑有守禦兵暴民久矣先生約以法而民始安初民爭水利每以兵挺相殘先生至治

其尤無良者餘皆私相戒語不敢復有爭富民陳某
二姓訟田父不能平先生判出於公皆悅服而退舊
俗吊喪必歌飲爲娛聞先生嚴教令而罷宣德丁未
以母喪歸後令至政尚苛蠹民困做不聊生耆老談
鼎蘓觀道等數百人不遠萬里走京師上章乞先生
還治 詔許之遂去後令趣先生起苦塊中以慰民
心時方編造民數有黠民數輩遺百金乞減戶口却
不受蠻人入貢道經于邑上夜遇盜奪其貨泣訴于
縣急捕還之蠻人叩謝去凡神祠載諸祀典者悉易
做爲完費出於公而民不知擾力出於備而民不知

勞自是民益愛之如戴父母也先生素以廉辨稱然疾惡太嚴竟爲暴憎之徒所誣歸爲林下人歸數年邑民李觀華等累致問安書兼以厚貺邑雖有新令而愛慕猶不衰於先生也舊居狹隘別買地於東洲上繚以周垣垣之下取果木植之而荔枝爲多中構屋以居自號曰東洲叟日惟讀書大游肆於六經與夫百氏子史而時又寄興於詩詩雋永深得晉魏體學者自遠方而至屢不絕戶外縉紳大夫竦然想見其爲人既見而溫溫似不能言卽之與居愈久而愈可愛間而傾吐其所有愈叩而愈無窮性孝愛遇父

母忌晨追感涕泣幾不可生撫兄子敦徵榮如已二
榮秀發尤其所愛者嚴於訓勵今成名爲材進士葬
叔祖肇伯父履兄甫從兄應從弟芋與肇之配袁應
之配方凡七喪人難之治家不肅而嚴喪葬事絕不
用浮屠法至於巫覡符呪之術痛疾之如仇讎先世
譜牒失於兵燹先生考其所可知者系之無郭崇韜
哭墓之失而有狄武襄却像之賢晚歲益沉潛理學
坐一室凝重如泥塑人稍倦則朗誦晉魏人詩音節
諧金石琅琅可聽遇風日佳時輒整步徐行於東阡
西陌間鬚鬢皓白老氣英英見者嗟嘆以爲今世中

見古人也生於洪武丙辰閏九月初七日以景泰乙亥十一月十七日卒享年八十其棺槨衣衾皆嘗所自檢者而殯殮有遺命一遵文公家禮云元配蒲坂鄭氏繼蓼江楊氏俱先卒繼廣東儋州時氏側室宋氏子男二敵楊出讀書善詞翰次敷時出穎悟絕人以詩經領癸酉鄉薦女七長適黃次適王俱鄭出次適徐次適余次適吳俱楊出次適張時出次適邱宗出孫男一浦未晬而卒女二恭惠尙幼墓在惟新里龍泉寺榆林之麓棚用天順丁丑十二月十五日也潛少時及門三年荷先生教愛之恩出於尋常萬萬

既去而入官思爲先生報者在建勲立節以副平生之期愧德薄才鮮未卽遂耳仰止山斗屢欲一歸以請益未能及得歸而先生逝矣俛仰人世不知涕泗之橫流也是宜有銘鑿諸石以垂永遠庶幾寫潛與二孤悽惋之懷銘曰

道之蓄諸身也不澤于世則淑諸人以傳古聖賢皆然也先生方進而絀澤于世者百不一施而其淑諸人以傳者浩乎未涯噫雖死其奚悲

壽光知縣楊君墓誌銘

君諱昕字元霽姓楊氏先世居福建之長溪宋淳熙

中有龍桂者從其兄宗旦客瑞安講學陳止齋之門
从而卜居邑之汀灣遂爲瑞安人則君六世祖也楊
氏世爲儒未有仕而顯者至君之伯父諱景衡舉進
士累官福建左叅政始振耀其宗曾祖諱瑜祖諱良
皆以景衡故贈福建左叅政父諱季號裕菴前母曹
氏母李氏君自少負氣節嗜讀書郡守何文淵奇其
才選克邑庠弟子員年二十四試鄉闈得偕計吏以
升累入會試俱不偶竟以太學生擢松江上海知縣
上海民多富饒其豪右者往往以厚利餌縣官因肆
其惡於細民君至擯私謁爲政寬而不縱不數月暴

力銷軟境內晏然尋丁母憂去民遮留不獲相與泣
而歌曰繫楊侯兮慈良惠我民兮無逋亡胡爲遽去
兮有母之喪誰復惠我兮我寧不悲傷又歌曰楊知
縣爲政淡然民自便我民聚錢數十萬泣送楊侯侯
不盼服闋上天官造華亭缺知縣其邑之薦紳大夫
反斯民之在都下者俱上章以君爲請遂除君任華
亭華亭亦松之屬邑其賦稅讞獄視上海尤多君理
之有餘力常蒞學校與諸生講說道理時又集邑中
之賢者諮訪民隱故施之於事無愆歲嘗大禳郡司
督租甚急君力阻之不聽具狀以聞悉蠲巡按御史

以名薦於朝。召試都察院劄，當得御史侍郎。廣宗
崔公嘗巡撫南圻，素重君。於是累累向人道其賢。都
御史順義李公與崔有隙，且忌君不阿，遂擯不用。以
原職改任貴州之壽光。下車輒諭民，凡懷不平者，得
自陳。親與辨理，犁然當人心。逐衣食於官者數十輩。
邑以大治。有羣盜發民倉，總兵官捕獲，論以死法。君
曰：「此饑民不得已之爲也。」力爭得減。死人有所饒遺。
雖菓菜之微，亦不受。居官餘十年，衣粗食淡，意豁如
也。享年四十又七。以天順甲申三月三日卒。貧不能
歸，其喪妻子常有飢色。其屬民封太常少卿劉公某。

屢給以薪米遂以不飢數日其弟時至始發喪歸葬于其邑之集善鄉西粵山之原寔卒之年十二月十七日也元配胡氏繼配張氏范氏子男二堂璞女二長已適人次在室君平居恂恂若不能言遇事輒發剛氣雖力能寵辱人者不爲之挫其治政之暇輒把玩經書探求性命之奧又旁及史傳攷法古君子立心行已之方性喜吟咏雖困劇不廢爲文絕達無險僻之語類其爲人卒之日壽光人叫號徬徨若無所依華亭上海二邑人聞之皆哭出涕又預合錢付數人走蘓州迎于水次候喪至舉而賻之蓋其治邑隨

所至必力去民病而施其所欲者故爲人所哀思如此予辱君交幾二十年知其才行之優而嗜學不倦重愧不能及也其筮仕得一邑意謂朝夕當有遷以大其施既而入朝輒斥斥不久而死以君安於義命固無憾於其心然仁可以壽而天才可以遠到而中止此凡識君者皆不能無恨也矧予又知君之深者哉遂攷君之官世行治誌而銘之以遺其姪貢士某使刻而納于幽以寓予之哀且傳君之美於不朽焉銘曰

謂君爲窮今乃有位而祿謂君爲亨今胡不遐以趣

詳至以趨深厚爲文能於閒肆中出怪奇直欲凌駕古人恥作軟媚語徇時好也五六歲時出遊市中見所表科第門閭歸悉書其扁之字于壁指以告其大父曰他日期至是也稍長益嗜學不倦初治尙書後讀詩得其趣遂專業焉正統丁卯舉鄉試有名明年會試不利登太學交天下豪傑士錯礪以大其成時年二十三公試常出等夷奕奕起聲譽六館中旣又兩入會試不利乃嘆曰天之窮人有如是哉遂試政於禮部嘗作五葵賦以見意觀者駭愕以爲不可及天順改元又會試終不利退益勉進其所未能無幾

微怨懟色而其窘迫至是爲甚然未嘗向人作懷楚
之態以取悲憐烹菜攪糜意淡如也初僦屋以居極
湫隘翰林編修王君廷貴愛其賢治室居之而文人
韻士沓至其門清語移時不能去蓋其性悃幅善交
處久而益親其學以經爲主又旁出百氏子史及賦
詩酒翰以博衆長其才雖逸出橫陳能痛自降抑而
人不忌旣而吏部知其書法道勁謂可施之誥冊辭
命將聞于上授以中書舍人而時暉適以疾卒時
天順己卯二月十六日也生宣德丙午七月十四日
得年三十四其先世有仕唐爲侍御史者曰珙仕宋

爲僉判司戶參軍者曰良爲吉州文學者曰自然爲
樞密院通判者曰休大父曰順父曰璉皆不仕母某
氏時暉號蒙菴娶崇安王簿同邑朱韶之女生三男
皆夭死惟一女尙幼嗚乎天之生才將以用世也何
奪其壽而使之弗克以施才也壽也天固不能兩畀
於人耶或者時暉之爲學辛勤萬狀而以勞自促耶
是皆不可知也時暉能安命分不爲窮達得喪所移
獨其志無以自見將不瞑目於地下矣是宜有銘以
慰冥漠之思銘曰

雲萋萋不能雨苗芃芃不能秀旣過于而躬復殲厥

後此予所以悲時暉之窮而卒無所歸咎也

監察御史龔君墓誌銘

高邨之龔氏有起進士爲監察御史諱謙字廷益者年四十三以疾卒于京師之寓舍寔成化改元三月二十六日也其曾大父思誠大父文禮俱遺外聲利愷意山水間父銘任淳安知縣有惠政被讒去官以君貴封監察御史母張氏封孺人君娶馬氏先卒生二男禎祥二女長適畢綱次適朱琰君少侍父于淳安官舍其儕輩率絃服甘酒縱奕射以爲樂屢誘君與俱君却謝閉關坐一室緝閱經史雖祁寒盛暑不

少休時從邑中鴻生碩士與之上下其論久而積有
成發之爲文辭炳如也既長益畏謹而學益勤及爲
御史雖小法未嘗不愼然不爲察察於人有所容民
有強淫人之婦者久繫獄其嫻在要劇更數吏皆嫻
要欲縱之最後君當讞或語以前故君曰曲法以徇
情吾不能也竟置之法時大稱快尋奉 命蒞兩浙

治鹽法嘉興之民有沈姓者肆橫侵鹽利根黨盤固
恒自以爲莫敢誰何君首擒治之餘皆私相勸悔不
敢冒君法於是浙之人咸驚歎曰法舉與清前此所
未有也還 朝丁父憂服闋又奉 聖書清理軍政

于湖廣時鎮守中官恃恩暴橫甚君至一與見後不復與往還中官怒欲撓之弗克又錦衣旗校相屬出訶事于外勢赫赫能生死人官有不媿悅之者輒交致其罪君絕不與爲禮而慎法自防卒亦以無事踰二年丁母憂哀毀成疾治既愈至京以勞於事疾復作遂卒翰林編修楊君維新爲狀其官世行治付其子禎等使藏以傳永久而禎復持狀求予爲之銘蓋將奉柩歸葬于其鄉之某山而以銘納諸幽也銘曰

匪肆而難匪苛而簡匪默而侃侃匪誕而悃欸是爲

臺憲之良宜休祉之來反也噫胡不百年而促以短
我銘以悲之亦以咎彼蒼之板板也

十二月二十二日也距生永樂改元二月十九日享年六十七配王氏封恭人先公七年卒子男一復讀書餘行有父風女二長適吳孟誠次適義官高璠墓去家五里許卒之明年十二月吉葬公天性孝友常慕鄉先哲李忠定公之爲人平居謹默如不能言在朝廷論事纚纚如倒囊出珠指斥權奸無所顧忌累奉 命保障重地積有勛勞未嘗有矜耀之色聞官吏無行檢者怒目切齒必去之乃已以此被讒貶斥其志不少回致仕歸囊無長物閉戶理舊書里巷之人罕見其面間出遊山水間哦詩酌酒自適而忘

竹巖集卷十六

明詹事府少詹事兼翰林院學士莆田柯

南京戶部主事四世從孫維騏樓編

邑庠生員鄉飲賓六世從孫亨

清

江南當塗縣知縣九世從孫朝

重校梓

誌銘

亞中大夫撫州府知府林公墓誌銘

林故爲河南固始名族五代間避亂入閩去福唐城南一舍家焉因名其地曰林浦至宋有曰霆者知柳州軍事兼管內勸農事公其裔孫也公諱鏐字元美

之喪悲痛成疾疾草豚乍有乍無神將離形猶從容
作仁義語呼諸弟諭之曰我後不可絕因誦文信國
寄弟詩親喪君自盡猶子視吾兒之句脩然而逝天
順戊寅六月二十一日也生宣德庚戌二月二十九
日得年二十九葬本里鏡口不食之原女二人槐瑞
栗瑞銘曰

何志未將何命不長嗚乎期進孰不爾傷我其銘之
以傳播于無疆

東洲林先生墓誌銘

先生卒之明年其二孤寓書于京師謂潛曰吾父子

嗚乎天不可問兮埋辭于麓俟後之興兮君子有穀

鄉貢士王君時暉墓誌銘

予在太學時浙士之賢者多追逐上下爲歡後皆相繼得官行其志獨寧波陸君厚希載張君瑗廷貴王君暘時暉三人以困頓卒而時暉之卒尤可哀時暉客久無餘貲卒之日舊相交厚者與其門徒合錢殮之殯于城南僧舍其弟時明踰年始來發喪並以其妻女歸乃偕王事吳君天錫進士潘君某詣予索銘嗚乎予其忍銘時暉耶時暉風韻凝遠讀書能外章句搜抉幽微其於君父人倫世變風俗之際必反覆